

ANATOMIA

CAPITIS HVMANI, IN MAR-

PVRGENSI ACADEMIA

SVPERIORI ANNO,

PVBLCIE EX-

HIBITA,


PER

Iohannem Dryandrum medicum.

INEVITABILE VATVM.



Omnia recens nata, Wapurgi ex officina Eucharj Cernicorij
Agrippinatis, Anno 1536 mense Septemb.



AD LECTOREM CANDIDVM
REINHARDVS HADAMARIVS.

Sola figurarum quia perfectissima, complet
Vndiq; se numeris orbiculata suis.

Ergo Creatoris uoluit diuina potestas,

Vt nostri capitis forma rotunda foret.

Vt globus est igitur, quod continet omnia cælum:

Sphærule sic caput est, dogma quod omne capit.

Ardua sunt illic summi palatia regis:

Hic sedem ratio pars deitatis habet.

Non potes ætheream rimari terreus aulam:

Illius effigiem sed penetrare caput.

Si gestis ergo regnum spectabile, miri

Et lustrare cupis nobile plasma fabri.

Sume librum clari, radio pollente Dryandri

Descriptum, studijs prosit ut ille bonis.

Intima cælestis dominæ penetralia cernes,

Et reliquam, leges cui dedit illa, domum.

CLARISSIMO ORNATISSIMOQVE
VIRO ILLVSTRIS. HESSIAE
PRINCIPIS CANCELLARIO
D. IOHANNI FICINO, DOMI-
NO ATQVE PATRONO SVO
OBSERVANTISSIMO.

S. D. P,



Ac it illa tua in prouehendis bonarum li-
terarum studijs, nunquam laudata fatis li-
beralitas Cancellarie ornatissime, ut agmi-
natim te docti suspiciant, colant atq; ue-
nerentur, quasq; deo tutelari tibi suppli-
cent. Suos proinde literarū fœtus, si quos
produxerint, tibi educandos, tibi proue-
hentos, non inuiti committant. Eadem
ego ratione ductus, quæ, inter diffecan-
dum nuper in Humani capitis Anatomia
ad uisum typis atq; figuris exceperam, tibi ob id maxime nuncu-
panda putauī, quo te protectore, nostra liberius prodire queant.
Boni itaq; hunc nostrum qualemcunq; laborem consule, atq; uale
rectissime. Marpurgi.

H. T. Deditissimns.
Io. Dryander medicus.

RECTOR ACADEMIAE MARPUR-
GENSIS, RERUM MEDICA-
RUM STUDIOSO.

S. D. P.



Lementissimus illustrissimushq; Hessiae princeps PHILIPPVS, quo est in credibili in Academia sua Marpurgeni affectus amore, praeter reliqua felicitatis bona, quibus indies hanc noua sua scholam exornat, hoc nuper ultro adiecit, autoritateq; regia interposita, ratum esse uoluit, ut quotannis posthac, in medicae professionis usum, receptis ad hanc rem e carcere uel cruce perditorum corporibus, publice semel aut bis, anatomia exhibeatur. Qua autoritate fretus, superiori anno binas Anatomias altera Calendis Iunij, Anno XXXV. altera Martij Calendis, Anni XXXVI. ut est in hoc genere studiorum, non me diocriter exercitatus Iohannes Dryander, medicinae apud nos professor ordinarius, non infeliciter hic publice celebrauit. Idemq; in posterum maiori cum diligentia, tum accurata magis demonstratione, sese facturum pollicetur, modo sint, quibus hoc suum studium, atque artis medicinae non contemnendus fructus, quoquo modo probari queat. Idq; studiose lector, tibi, ob id maxime indicandum putaui, ut aliquando medicae rei, hunc amplissimum fructum communem nobiscum habere queas. quod haecenus, maiori an dicam, medicorum dedecore, an periculofiori, etiam aegrotantium malo, Germania reiecerit, nescio. Anatomiae syncerum studium, nos honoratiori loco apud nos recipiendum, adeoque pristino suo nitore restituendum, duximus. Hinc est, quod a Dryandro, Anatomiae capitis humani, icones quas inter discendam nuper per picturae lineamenta ad uiuum, rectissime exceperat, in studioforum usum ut diuulgaret, impetrauimus. Quas si placere uiderimus, dabimus operam, ut uniuersi corporis humani, singulae partes, singulis suis picturis, quam rectissime a Dryandro expresse, in lucem tandem prodeant. Interim iam picturis quam figuris Anatomicis, Humanum caput optime exprimentibus, adeoque nostra opera & beneuolentia liberalius fructu, atq; Vale felix. Datae Marpurgi 8^{to}

V N I V E R S A M F E R M E C A P I T I S H V .

mani Anatomiam, duodecim figuris absolvere est animus, cuius figuræ, demonstrationis gratiâ, suas literas apposuimus .

A. itaque funem significat, qua religatum in circuli modum, est caput ab rasis prius capillis undiquaque .

Estq; funiculi is circulus, instituendæ Anatomice operationis terminus, qui excorandæ cuticulæ, adeoque ferraturæ locum in craneo exprimit .

B. incisionis lineam à fune supra nasum, per uerticem in occiput perreptandi indicat .

C. transuersam incisionis lineam circa aures, utrinque terminum funes contingentem significat .

Instrumenta, quibus in Anatomico opere utimur, ut nouacula, orbicularem ferram, graphios, forculos, forcipes, & eiusce generis, reliqua picturis expressa esse uides .

ANATOMIAE CAPITIS HVMANI
FIGVRA I.

1.



IN HAC SECVNDA FIGVRA, VIDE S

duas cranci exteriores cuticulas, ad funiculi usque circulum detectas, excoriatisq.

A. in utroque capitis latere crassiorem cutem, ex qua capillorum prodit seges, designat. Ea est crassioris naturæ, propterea & maiori radice illic capilli nituntur. Sub eaq; cute lentor quidam magis mucosus. Vnde & morborum innumera mala noscuntur.

B. Interiorem ossi capitis concretam, membranam designat, περιεργεσθον græci uocant. Hæc ut uniuersum capitis os cingit, sic & sensum plane ministrat.

C. Craneum, cum suis futuris, atque ossium compaginationibus designat. Vbi futuram per os frontis ad nasum, ferme in mulierum plerunque craneis perreptare, secus autem uirorum capitibus, notaueris.

ANATOMIAE HVMANI CAPITIS
FIGVRA SECVNDA



O R B I C U L A R I S E R R A , C I R C V N .
quaque supra funiculi notam, ita cranium pertundimus, ne aliqua pelliculae interior, neque Dura neque Pia uocata mater diuellatur, sensimque superius hemicranium à reliquo capitis trunco dimouemus.

Partem illam superiorem crani, orbitali serra dissectam atque diuisam, hic ad figuram infimam partem apponi uides.


A. Intra cranium duriores pelliculas, quam Duram uocant matrem, designat.

Cerebrum, tenui adhuc membranula, quam Piam uocant matrem, uarijs & diuersis uenarum & artiarum ramulis distincte circumtectum esse uides. In cerebri substantia, dextram partem sinistrae forma & figura respondere uides.

C. Sinistram. **D.** dextram significat. **E.** medium cerebri tramitem qui partes disiungit, designat.

ANATOMIAE HVMANI CAPITIS
FIGVRA TERTIA

3.



B η

IN HAC FIGVRA EST VIDERE
utranque interiorem, quæ cerebrum uelat pelliculam cum ipsa
substantia cerebri.

A itaque Duram uocatam matrem significat.

B Piam matrem, cū uenarū ramusculis designat, utraq; pellicula, a
cerebro hic diuulsa est, quo cerebri pateat aptior cōspectus.


C Sinistra cerebri substantia.

D Dextra.

E Confinium atque discriminatio est cerebri.

ANATOMIAE CAPITIS HUMANI
FIGURA QVARTA

4



IN HAC FIGVRA, VIDES SVBSTAN-
tiæ Cerebri dextram partem adhuc illæsam, Sinistram uero, ad
intermedios usque uentriculos, nouacula ministerio ferme ab-
scissam.

Serraturæ, intra panniculos locus, unâ cum reliqua capitis parte,
circumquaque apparet.

C. Dextra Cerebri substantiæ, adhuc illæsa pars est.

D. Pellicula hanc Cerebri dextram partem inuoluens.

A. membranula est amota partis Cerebri, inuolucrum, quod
suprà Piam uocari matrem diximus.


E. ubi uentriculorum insinuatio est, indicat.

Supra nasum, in ipso Craneo est notabilis & certa quædā uacuitas,
aerem plurimum repleta. Conferre hunc aerem ad sensum odo-
ris putant.

ANATOMIAE CAPITIS HUMANI
FIGURA QVINTA

5.

V. B.
G



VIDES HIC IN PRAESENTI FIGV

ra, ubi ad quantitatem trium ferme digitorum, cerebrum pene traueris, in utroq; latere, apparere uentriculum, lunæ nuper nate modo, incuruatum.

Ventriculorum utrinque notæ sunt E C, E C.


D. F. L. utrinque circa basim est substantia una pellicularis, rubea, uermis dicta, ex uenis & arterijs composita, quæ ab uno extremo ad aliud cuiuslibet uentriculi tendit, quæ motum habet secundum aliquos, aperiens & claudens uentriculos uolūtarie.

Infra tales uermes ad ipsorū latera, est certa pars cerebri eminens, quam multi assimilant natibus humanis in figura, quæ in elongatione, pariter & clausione uentriū, se contangit: in abbreviatione uero & dilatatione ipsorum abinuicem separatur. Hæc Carpus in Isagog.

A. A. Pia matris pellicula est.

Auriculam, Nasum, Labia atque Mentum extra pelliculam prominere uides,

ANATOMIAE HUMANI CAPITIS
FIGURA SEXTA



D V R A M A T E R C V M S O C I A S V A

meninge, ut dextram cerebri à sinistra determinat. Ita & per latum protracta, posterius cerebrum à priori diuidit. Verum hæc secunda duplicatio, non ita uenulis, ut prior inuicem iuncta uidetur. Continet tamen intra se certam quandam uacuitatem, in qua multi ex iugularibus uenis prodeuntes rami, terminantur.

Versus occiput in ista duplicatione est certa uacuitas, uocata lacuna, in quam sanguinis pars exprimitur, uocatur hic locus Aucennæ torcular.

Circa D. literam, uides notari earumculas mammillares, odoratus ut quidam uocant, instrumenta, prodeuntes neruos, uides 1. 1. 2. 2. Obticos uocatos, uisuiq; addictos neruos, 3. 3. 4. 4. 5. 5. Quibusque neruis sensum suos numeros appositos esse uides.


AA. ut hætenus semper pelliculam cerebri significat.

BB. inferius utrinq; cerebrum.

E. postrema indicat.

ANATOMIAE HUMANI CAPITIS
FIGURA VII.

7



IN POSTERIORI PARTE MEDII VENTRICULI est foramen paruum, quod tendit ad certam quandam uacuitatem, quæ descendendo est uersus locū, ubi est principium nuchæ, & hæc uacuitas non est in posterioris cerebri substantia, ut putant multi, nec est circumdata undiq; à substantia medullari cerebri, sed est inter posterius & anterius cerebrum sita, circumdata notabiliter, uersus posterius cerebrum, à Pia matre ipsum tegente.

C. cauitas posterioris cerebri.


DD. inferior substantia utriusque lateris cerebri.

B. prioris partis cerebri, infima est substantia.

AA. Pia mater est.

ANATOMIAE CAPITIS HVMANI
FIGVRA OCTAVA

8.



HAEC FIGURA, CRANEI INFERIO-
rem partem, ubi collo implantatur, indicat.

A. dentium ordinem exprimit.

B. Cavitatem superiorem oris.

CC.

DD.

EE. Calamoidi ossa sunt.

**FF. cranei duæ sunt partes, ubi colli prima & superior uertebra
odontoidea, Gal. uocat, uniuersum caput excipit.**

G. foramen est per quod nucha in spinā dorsi ex cerebro deriuat.

HH. ossa sunt circa petrosa.

I. occipitis cranei pars est.

ANATOMIAE CAPITIS HVMANI
FIGVRA IX.

9



G.

OSSIUM ATQUE SVTVRARVM CRA-
nei ueri situs atque forma in hisce sequentibus figuris expri-
muntur.


Prior pictura futuram stephanoidis, os frontis, os petrosum at-
que os uerticis exprimit.

Secunda, oculorum caua, cum coronalis suturæ semicirculo osten-
dit.

Tertia figura, inferiorem ordinem dentium suo ossi impactorum
indicat.

ANATOMIAE HVMANI CAPITIS
FIGVRA .X.


IO



IN HAC FIGVRA RELIQUA



cranei ossa, quæ ad posteriorem capi-
tis partem, una cum suis fu-
turis spectant, uidebis.

Reliqua ex tabulis nostris
petenda erunt.



ANATOMIAE CAPITIS HUMANI
FIGURA XI.

II



FINIS FIGVRARVM ANA-
TOMIAE CAPITIS
HVMANI.

Totius autem corporis humani singulas partes, Anatomico nego-
cio absolutas, adeoq; ad uiuum expressas, expectabis breui.

